



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**23 Februari 2024
13 Syaaban 1445H**

SENARAI AKHBAR	TAJUK
Utusan Malaysia	<ul style="list-style-type: none">• Udang 'mabuk' setiap kali perayaan• Lebih 1000 nelayan disekat terima subsidi petrol, diesel - LKIM
Berita Harian	<ul style="list-style-type: none">•
Harian Metro	<ul style="list-style-type: none">•
Kosmo !	<ul style="list-style-type: none">• LKIM henti subsidi buat 1000 nelayan
Sinar Harian	<ul style="list-style-type: none">•
The Star (metro)	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysiakini	<ul style="list-style-type: none">•
Bernama	<ul style="list-style-type: none">•
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Sabah Media	<ul style="list-style-type: none">•

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN	POSITIF			NEGATIF	/	NEUTRAL		34	23/2/2024

Udang 'mabuk' setiap kali perayaan

Oleh **BADRUL HAFIZAN MAT ISA**
 badi.133@mediamula.com.my

SEREMBAN: Populariti jeti Pengkalan Kempas, Linggi di sini yang terkenal sebagai lubang udang galah dalam kalangan pemancing berisiko terjejas sekiranya aktiviti menuba di kawasan Sungai Linggi terus berleluasa.

Pengerusi Persatuan Nelayan Telok Kemang, Md. Isa Johar berkata, kejadian udang galah 'mabuk' di beberapa kawasan sepanjang Sungai Linggi seperti di Pengkalan Durian, Permatang Pasir serta Pengkalan Kempas memang disyaki berpunca daripada aktiviti menuba.

Jelasnya, kejadian sedemikian berlaku setiap tahun terutama menjelang musim perayaan.

"Seperti Tahun Baharu Cina, memang permintaan terhadap udang galah adalah tinggi, harganya juga boleh mencecah se-



JETI Pengkalan Kempas di Linggi menjadi tumpuan kaki pancing yang mahu menangkap udang galah di Sungai Linggi. - UTUSAN/MOHD. SHAHJEHAN MAAMIN.

hingga RM100 bagi setiap kilogram. Penduduk dan nelayan di

sini sudah perhatikan, apabila perayaan sahaja berlaku fenom-

ena udang galah 'mabuk'.

"Berdasarkan keadaan udang

galah seperti mata yang merah, kami memang syak ia akibat perbuatan menuba. Kami tidak tahu siapa yang bertanggungjawab. Pelaku menuba bukan di kawasan sekitar sini, namun lebih ke hulu seperti di Rantau dan mereka mengambil hasil perbuatan mereka itu di sini," katanya kepada *Utusan Malaysia* di sini, semalam.

Baru-baru ini, *Utusan Malaysia* melaporkan, Jabatan Perikanan Negeri Sembilan mengiatkan aktiviti pemantauan dan siasatan selepas terdapat peningkatan kejadian udang galah 'mabuk' di Sungai Linggi yang didakwa berpunca daripada aktiviti menuba.

Ketua Cawangan Konservasi dan Perlindungan Perikanan negeri, Doreen Wee Siew Leer berkata, pihaknya mengambil serius dakwaan berkenaan dan turun padang ke tiga lokasi

UTUSAN MALAYSIA	/	KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN	POSITIF		NEGATIF		NEUTRAL	/	32	23/2/2024

Lebih 1,000 nelayan disekat terima subsidi petrol, diesel - LKIM

Oleh ASYRAF MUHAMMAD
 utusannews@mediamail.com.my

KANGAR: Lebih 1,000 nelayan dihentikan pemberian subsidi petrol dan diesel susulan kegagalan mereka mematuhi syarat-syarat ditetapkan Lembaga Kemajuan Ikan Malaysia (LKIM).

Jumlah nelayan yang dihentikan pemberian subsidi sentiasa berubah-ubah kerana LKIM melakukan proses pemutihan pada setiap bulan.

Pengerusi LKIM, Muhammad Faiz Fadzil berkata, antara syarat utama perlu dipatuhi oleh nelayan bagi melayakkan mereka menerima bantuan subsidi adalah dengan turun ke laut selama 120 hari dalam tempoh setahun dan aktif menjalankan kerja-kerja tangkapan ikan.

"Ini antara syarat yang selalu diperincikan dan dinilai oleh LKIM dalam pemberian subsidi bagi melayakkan mereka menerima bantuan berkenaan," katanya ketika ditemui selepas Program Anak Nelayan Kembali Ke Sekolah di Pusat Transformasi Nelayan Persatuan Nelayan Kawasan Perlis Selatan, Kuala Sungai Baru, di sini semalam.



PENERIMA bantuan bergambar bersama Muhammad Faiz Fadzil selepas Program Anak Nelayan Kembali Ke Sekolah di Pusat Transformasi Nelayan Persatuan Nelayan Kawasan Perlis Selatan, Kuala Sungai Baru, Kangar semalam. - UTUSAN/ASYRAF MUHAMMAD

Berdasarkan rekod LKIM, terdapat 86,000 nelayan berdaftar di negara ini di mana 36,000 merupakan penerima subsidi diesel dan petrol yang layak.

Dalam pada itu, Muhammad

Faiz berkata, LKIM sememangnya tidak berkompromi dengan mana-mana nelayan yang gagal mematuhi syarat bagi membolehkan bantuan berkenaan diberikan kepada mereka

lebih layak khususnya golongan muda yang baharu menceburi diri dalam bidang tersebut.

"Jika dilihat, 30 peratus daripada jumlah 86,000 nelayan di negara ini juga adalah meru-

pakan golongan muda. Proses pemutihan ini memang selalu dilaksanakan melalui persatuan-persatuan nelayan bagi membolehkan penilaian dibuat sebaiknya oleh LKIM," katanya.

Mengulas program berkenaan, Muhammad Faiz berkata, seramai 100 anak nelayan menerima bantuan persekolahan di mana setiap seorang membawa pulang kupon tunai bernilai RM100, beg sekolah, topi, botol air, buku nota dan alat tulis.

Katanya, program anjuran LKIM dengan kerjasama Petronas Dagang Berhad dan Persatuan Nelayan Kebangsaan (NEKMAT) itu juga adalah bertujuan bagi membantu mengurangkan kos nelayan sebagai persediaan untuk pembukaan sekolah tidak lama lagi.

"Ini merupakan sumbangan program tanggungjawab sosial korporat (CSR) di mana kita agihkan pemberian buat lima buah negeri iaitu Perlis, Melaka, Pahang, Sabah dan Sarawak.

"LKIM sentiasa memastikan nasib dan masa depan nelayan bersama keluarga mereka terbelak untuk merasai kehidupan lebih selesa pada masa hadapan," katanya.

UTUSAN MALAYSIA		KOSMO!	/	THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN	POSITIF		NEGATIF		NEUTRAL	/	13	23/2/2024

LKIM henti subsidi buat 1,000 nelayan

KUALA PERLIS - Lembaga Kemajuan Ikan Malaysia (LKIM) telah menghentikan subsidi bahan bakar kepada 1,000 nelayan selepas didapati tidak lagi aktif turun ke laut untuk menangkap ikan.

Pengerusinya, Muhammad Faiz Fadzil berkata, tindakan itu dilakukan menerusi program pemutihan yang dilakukan secara berterusan oleh pihaknya.

Katanya, antara syarat nelayan yang mahukan bantuan bahan bakar berterusan ialah perlu turun ke laut selama 120 hari setahun.

"Jika ada yang jadi nelayan secara sambilan, tidak aktif dan uzur, maka insentif itu akan dihentikan."

"Kita sentiasa mengemas kini status nelayan dan pemuti-

han dilakukan pada setiap bulan. Jumlah nelayan tidak aktif juga sentiasa berubah-ubah," katanya ketika ditemui di Pusat Transformasi Nelayan Pertubuhan Nelayan Kebangsaan Perlis Selatan di Kuala Sungai Baru, dekat sini semalam.

Terdahulu, Muhammad Faiz menyampaikan Bantuan Awal Persekolahan kepada 100 anak nelayan dengan kerjasama Petronas dan Yayasan Anak Nelayan Malaysia.

Menurut Muhammad Faiz, walaupun subsidi ditarik, LKIM sentiasa menyokong golongan itu menerusi bantuan sara hidup dan lain-lain insentif demi kebajikan mereka.

Setakat ini, LKIM memberi subsidi kepada 36,000 daripada keseluruhan 86,000 nelayan berdaftar di negara ini.



LKIM akan menghentikan pemberian subsidi bahan bakar kepada nelayan sambilan, uzur dan yang tidak aktif turun ke laut untuk menangkap ikan. - GAMBAR HIASAN